

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Dilectus meus candidus & rubicundus electus ex milibus. Caput eius
aurum optimum, comæ eius sicut elatæ palmaru[m], nigræ quasi coruus:
Oculus eius sicut columbæ super riuulos aquarum, quæ lacte lotæ ...

urn:nbn:de:hbz:466:1-34445

RVP. IN CANT. CAN. CAP. V.

Pulsandum igitur erat ad ostium ueritatis, & consulendum oraculum spiritus sancti, scilicet, sacrarium pectoris tui, ut uiua uoce omnem necessario tenendam demonstrares regulam fidei, cum testimonio scripturarum, quas memoriiter tenebas prophetissa magna, & eapax omnis prophetarum siue prophetiarum. Qualis est, a iunt, dilectus tuus ex dilecto o pulcherrima mulierum, idem filius tuus deus ex patre deo, qualis est o uirgo uirginum o sancta sanctarum? Qualis est dilectus tuus ex dilecto, quia sic adiurasti nos? Neque enim nos, quae iam sumus filiae Hierusalem, dubium habemus, quin ipse sit dilectus ex dilecto, id est, deus ex deo: sed non nobis solis, quae nunc sumus in hoc tempore tuo, uerum etiam & omnibus alijs prouidendum est filiabus Hierusalem, quae futuræ sunt post nos, ut ex te certo instructæ uel confirmatae spiritus sancti testimonio, sciant contemnere hæreticos & solius dilecti sancto flagrare desyderio.

Dilectus meus candidus & rubicundus electus ex milibus. Caput eius aurum optimum, comæ eius sicut elatæ palmarum, nigrae quasi coruus: Oculus eius sicut columbae super riuulos aquarum, quae lacte lotæ sunt, & resident iuxta fluenta plenissima. Genæ illius sicut areolæ aromatum, consistæ a pigmentarijs. Labia eius lilia diffillantia myrrham primam. Manus illius tornatiles aureæ, plenæ hyacithis. Ven-

COMMENTARIOR. LIB. V. 81

ter eius eburneus, distictus saphyris. Cru-
ra illius columnæ marmoreæ, quæ funda-
tæ sunt super bases aureas. Species eius
ut libani, electus, ut cædri. Guttur illius su-
auissimum, & totus desiderabilis. Talis est
dilectus meus, & ipse est amicus meus, fi-
liae Hierusalem.

Tale tuum nobis carmen diuina propheta.
Quale sopor fessis in gramine, quale per æstū,
Dulcis aquæ saliente sitim restringere riuo.

Hoc tuum carmen uere pulcherrimum, & si-
cū dicitur, ita est Canticum Cantorum. Nihil
amicibentius audierint, nihil adolescentula, de-
lectabilius acceperint, quæcumq; habet aures au-
diendi sensumq; promptum, quo legitimū car-
men discernere possint. Dixisti qualis dilectus
fit, & miras qualitates eius, breuiter quidem, s; delectabiliter exposuisti, sicut habet seipsa ueri-
tas rei, sicut omnes consonanter prædicant scri-
pturæ ueritatis.

Dilectus meus candidus, & rubicundus.

Vnde candidus, & unde rubicundus? Nimirū
candidus sanctitate, rubicundus passione. Dicat
aliquis: Si ergo candidus, quare rubicundus?
Si sanctus, quare passus? Hoc enim admirans
spiritus sanctus in David, cum dixisset: Beatus
vir qui non abiit in consilio impiorum, & in via
peccatorum non stetit, & in cathedra pestilentiae
non seddit, &c. quibus utiq; uerbis designauit, eu-
fere candidum, s; immunem ab omni nigredine

L.

Palmo, I.